

Na osnovu Javnog poziva objavljenog dana 04.04.2018. godine na WEB stranici JU "Kantonalni centar za socijalni rad" www.kcsr.ba, izvršenog odabira i sačinjene liste izabranih pravnih lica koja ispunjavaju uslove iz člana 2. Pravilnika o utvrđivanju općih kriterija za izbor odgovarajućih preduzeća, ustanova ili organizacija u javnom i društvenom sektoru u kojima će se provoditi odgojna preporuka izrečena maloljetniku („Službene novine Federacije BiH“, br. 17/18),

JU "Kantonalni centar za socijalni rad", ul. Gatačka br. 80, koju zastupa direktor Mr.sci Adnan Podžo, s jedne strane (u daljem tekstu: Centar)

i

Ustanova „Sumero centar za podršku osobama s invaliditetom u zajednici“ Rašida Bešlije br.73, (u daljem tekstu „SUMERO“), koju zastupa direktor Haris Haverić

zaključili su dana 25.04.2018. godine

S P O R A Z U M **o provođenju odgojne preporuke**

Član 1.

Predmet ovog Sporazuma je uređivanje načina primjene odgojne preporuke, okvir i aktivnosti vezane za saradnju, status maloljetne osobe, zaštita maloljetne osobe, način i postupak osiguranja maloljetne osobe za slučaj povrede na radu, uloga i obaveza Centra s jedne strane i „SUMERO“ s druge strane, međusobno, a i u odnosu na maloljetnu osobu sa sudskom mjerom.

Član 2.

„SUMERO“ se obavezuje da će postupiti po rješenju suca za maloljetnike o izricanju odgojne preporuke kojim se maloljetniku nalaže da se bez naknade uključi u rad humanitarne organizacije ili lokalne zajednice ili da prihvati odgovarajuće zaposlenje, te da će maloljetniku obezbjediti obavljanje poslova navedenih u rješenju s tim da rad, odnosno posao ne može biti usmjeren na postizanje ekonomske koristi, i da ne smije prevazilaziti fizičke mogućnosti maloljetnika, štetiti njegovom zdravlju, ugledu i dostojanstvu, niti mu ometati školovanje.

Član 3.

„SUMERO“ se obavezuje da će poštivati izrečenu sudsku mjeru koja ima za cilj preusmjeriti maloljetnog učinitelja krivičnog djela od redovnog krivičnog postupka kako bi se izbjegli negativni efekti na osobnost maloljetnika i njegov razvoj, da maloljetnik sagleda posljedice svoga djela i preuzme odgovornost za ono što je učinio i uticati na maloljetnika da ponovo ne čini krivična djela.

Član 4.

„SUMERO“ se obavezuje da će zaštititi maloljetnu osobu na način da će mu obezbjediti po potrebi zaštitnu opremu, dati ispravan alat i ostala sredstva za rad, čijom se upotrebom ne narušava zdravlje i sigurnost maloljetnika i da će ga osigurati za slučaj povrede na radu u skladu sa zakonskim propisima.

Član 5.

„SUMERO“ će, uz poštivanje principa povjerljivosti, donijeti rješenje o određivanju osobe za rad sa maloljetnikom koja po svojim osobnim svojstvima može vršiti pozitivan uticaj na odgoj i razvoj maloljetnika.

Član 6.

Centar će odrediti stručnu osobu za provođenje postupka posredovanja, praćenja i izvještavanja o uspješnosti primjene odgojne preporuke koja će pratiti ispunjenje izrečene odgojne preporuke u saradnji sa odgovornom osobom iz „SUMERA“ u kojoj radi maloljetnik i najmanje jednom mjesečno o tome izvještavati suca za maloljetnike.

Član 7.

Ovaj Sporazum se zaključuje na neodređeno vrijeme.

Član 8.

Potpisnici Sporazuma mogu raskinuti ovaj sporazum.
Otkazni rok za raskid Sporazuma je 30 dana od dana dostavljanja pisane obavjesti o raskidu Sporazuma.

Član 9.


Odredbе ovog Sporazuma mogu se mijenjati i dopunjavati u slučaju promjene propisa koji je osnov za zaključenje ovog Sporazuma.

Član 10.

Ovaj Sporazum sačinjen je u 4 (četiri) istovjetna primjerka, od kojih svaka strana zadržava po 2 (dva) primjerka.

Za JU "Kantonalni centar za socijalni rad"


DIREKTOR
Mr. sc. Adnan Podžo



Broj: 35/X-11-530-628/18
Datum: 25.04.2018. godine:

Za „SUMERO“

DIREKTOR
Haris Haverić



Broj: 307/18
Datum: 25.04.2018